

縣劉大令宅心慈善凡監屬內繫縲人犯情罪較輕者各分別案情定以馮禁年期就所羈之室教以粗工手藝隨時
驗察現已分別舉行云

各省魚鹽彙誌

直隸 長蘆運司陸都轉因庫款支絀急思整頓鹽務而鹽務與漁業關係頗鉅非辦漁業公司則鹽務斷難起色因擬
定試辦章程稟明直督奏聞開辦

山東 在籍王侍郎錫蕃經升任周玉帥奏派創辦漁業公司甲辰冬間在煙臺招得三十餘萬金今又回黃縣集股五
萬餘金足可敷用聞近已開辦矣

江蘇 通州呂四鹽業張殿撰等擬大加改良提造洋鹽以求抵制現請王季同明經在師範學校化學處分化鹽質較
之日本所產有過之無不及云

各國礦務彙誌

韓國 遂安金礦開採權已經韓外部特許日英美三國業於二十二日照復三國公使擬訂條約 意大利向韓國索
取金礦利益一事嗣由意使與韓政府協議其條款四條一自立約簽押日起所需礦地由意國公司自行選擇以兩年
為限二礦地面積須足十二英方里三礦內利權以二十五年為限四意公司將來以礦中所獲餘利每百分抽二十五
分歸韓政府韓國旋派李在國為全權大臣與意使協議此事允其在韓開採一礦 韓政府新近查出礦山一百二十
七處以金礦為最多計京畿道二處忠清道十一處全羅道九處慶尙道十五處江原道十三處咸鏡道四十八處平安
道二十五處黃海道四處又平安黃海江原慶尙各道鐵礦最富平安道咸鏡道之白煤礦銅礦尤佳

實業

九十五

乙巳